

INTERVIEW EMAWOTI NGENKOLO YESINTU

1 INTERVIEWEE : JABULANI GUMEDE

(Wazalwa ngo 1958 e Hammarsdale. Wafunda esikoleni samaRoma e Greytown. Washiya isikole enza ibanga lesithupha. Okwamanje uhleli ekhaya akasebenzi, kuphela uthunga izicathulo zabantu ukuze athole okuya ethunjini. Mayelana nenkonzo ukhonza ebandleni lama Ziyoni ungumbikoni.)

David : Kuyintlokozo ukuba sihlangane Jabulani sike sixoxisane.

Jabulani : Kumina lolusuku luyisibusiso ngoba ngivakashelwe abantu abangasaziwa.

David : Konezinto engithanda ukuthi sike sibonisane ngazo mayelana nenkolo yeSintu kanye nobuKristu. Okokuqala nje ngithanda ukwazi ukuthi ngabe wena uyayenza yini lenkolo ?

Jabulani : Yebo ngiyayenza futhi angiboni ukuthi ngingayeka ukuyenza.

David : Ungangitshela kabanzi ukuthi ngabe nyenzelani ?

Jabulani : Zimbili izimpendulo engizokunika zona. Okokuqala ukuthi ibandla lami alingabi, okwesibili ukuthi impilo yami ayibanga yihle ngaphambilini.

David : Ake unabe ngempilo yakho kafishane.

Jabulani : Ngaphambi kokuba ngibe umZiyoni ngangisonta emasRomeni. Ngakhulela khona ngafunda ikilasi ngaze ngaba isikhonzi. Abafana enganginabo sasibuye siye emasimini siyosebenza. Umfundisi wethu wayesexwayise ngokuthi singasidli iSidlo singanikwanga ngoba siyogula siphalaze igazi.

Sakukholwa lokhu saze sexwayisa nabanye. Kwathi

ngolunye usuku sisebenza sabona iSidlo
sichithwe phansi. Kwasimangaza ngoba thina
sasitshelwe okuningi ngaso. Saqala lapho
ukungakhelwa esasikutshelwe umfundisi. Kwathi
ukuba abone ukuthi sesiyalazi iqiniso
wasiyekisa ukuba izikhonzi. Lokhu kwangigeda
uthando ngezwa nje ukuthi angisalithandisisi
isonto. Sonke isikhathi uma umuntu ekhuluma
ngesonto ngangicabanga lowaya mfundisi omhlophe.

David : Ngabe yilokho kuphela okwakwenza wayeka ibandla
lakho ?

Jabulani : Ngingasho ngithi kukhona njengokuthi umqondo
wase ulandela ezombusazwe. Kwathi noma sengi
lapha eMawoti ngangingasalithandi isonto. Kwathi
ngo 1990 ngagula kabi ngaze ngacabanga ukuthi
ngithakathiwe. Kwathi noma ngiya esangomeni
sangitshela ukuthi ngizoba isangoma. Kwangiphatha
kabi lokho ngoba ngangifuna ukwelashwa bayi
ukuba isangoma.

David : Unenkinga yini nobungoma ?

Jabulani : Nginayo uma kuthi umonto efuna ukwelashwa
ebese enziwa isangoma. Kodwa uma kayisipho
esivele koyisemkhulu anginayo ikinga. Ake
ngibuyele kulendaba. Ngazitshela ukuthi angiso
phinde ngibuyele esangomeni. Kwathi ebosuku
umkhulu wafika ngephupho ehti angibuyele
esangomeni. Ngaphindela kwathi ngisasitshela
ngesehlo sasebusuku kwashaya into phezu
kwendlu yesangoma, sasesithi sekuvanyiwe.
Izinyanga ezimbalwa ngabuthola ubuthongo
kodwa kwabuya futhi ukugula.

Waboya umkhulu wangikhombisa umfundisi
waseZiyoni athi nguye ozongilapha. Ngaqala
ngehla ngenyuka ngifuna lelibandla kwathi
ngelinye ilanga ngangena esontweni kanti
nangempela nangu lo mfundisi owayeshiwo
umkhulu. Kwakungathi nyazi ngami ngoba wangicela
ukuthi angisale. Wangitshela ukuthi angizile
ukudla izinsuku ezintathu ngingaphuzi ngisho
namanzi. Ngakwenza lokho kwathi sengiqadile
saya kanye nebandla olwandle ngathandazelwa.
Kusukela ngalelolanga kwaphela ukugula.

David : Yini okwabe sekukufundisa yona lokhu ?

Jabulani : Ngafunda ukuba hlonipha obabamkhulu
nokubalalela. Ngiyazi nje ukuthi kumele
ngihlale ngihlaba noma inkukhu ngibabonga.

David : Ngabe lokho kusho ukuthi inkolo yeSintu
iyahambisana nenkolo yobuKristu ?

Jabulani : Iyahambisana ngoba uma ubheka bakholo
owangikhombisa umfundisi wawo ngiye
kuthi futhi ngibheka kuthi kukhona
okufuneka sizigcine nokufuneka
sizisuse enkolweni yeSintu.

David : Ngabe yiziphi lezozinto ?

Jabulani : Njengokuthi kucindezelwe abesiname kusetshenziswe
isiko. Nokuthi uma umuntu egula kuphuthunywe
ubungoma njengesixazululo. Ukuhlonishwa kwabadala
izinto okufuneka zigcinwe. Endulo abaninimizi
kwakuyaye kuthi uma indodana noma indodakazi
isigala ukukhula yenzelwe isiko lokukhishwa
indiki. Ngoba phela kuyinkolo yethu ukuthi
wonke umuntu anendiki eliyinkinga uma uze
ubadala lingakhishwe. Namuhla nje abantu
abasha benza izinto eziningi ezinyantlisa igazi
ngoba bahlushwa indiki. Abanye ubno
sebeyizangoma esikheleni bahlushwa yilona.
Badinga ukwenzelewa amagobongo abazali babo
emakhaya. Zonke lezizinto zidinga ukulungiswa
ngesiko ngoba amagazi abantu ayashisa bayabulala
bayadlwengula kunjeyaya. Kuthina Ziyoni inkolo
yobuKristu ingasilekelela ukubuyisa amasiko
ethu. Isibonelo abazalwane bamaShebe abakhonza
uNkulunkulu esikweni labo. UNkulunkulu akaxwayi
siko ufuna ukukhonzwa kuphela.

David : Ucabangani ngekusasa lalenkolo ?

Jabulani : Ngingathi nje liyakhula. Abantu abaningi sebeya
bona ukuthi sasingenziphutha ngokugcina amasiko
ethu futhi sasingezona izoni ngokuhlala
emasikweni ethu. Naphakathi emasontweni abantu
abasesabi ngamasiko ethu.

David : Ngicabanga ukuthi sesixoxe kakhulu sengithanda
ukubonga lelithaba esesilisebenzisiwe sixoxa.

Jabulani : Kubonga mina.